



Inatsisartunut ilaasortaq Lars Mathæussen
Inatsisartut
/MAANI

**§ 37 naapertorlugu apeqquteqaammut nr. 2014-174-imut akissuteqaat,
kinguppanniarnermi killigititaasut nalilersorneqarnerinut kiisalu sinerissap
qanittuani kinguppanniarnermi atugassarititanut tunngasoq**

31-08-2014
Sullap normua. 2014-102981
All. nr. 1679166

Inatsisartut suleriaasianni § 37, imm. 1 naapertorlugu Naalakkersuisunut apeqqute-
qarputit kinguppannik aalisarnermi killeqarfinnut tunngasoq pingaartumik sinerissami
aalisariutit atugassarititaannut tunngasoq. Apeqqutigineqartoq uannut akisassanngortin-
neqarsimavoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqquut:

1. UKA2013/124-imi aalajangiiffigisassatut siunnersuummut allannguutissatut siunnersuutip akuersissutigineqarneranut atatillugu Naalakkersuisut peqquneqarnerannik naliliineq sumut killippa, naliliinerlu inaarutaasoq qaqugu Inatsisartunut saqqummiunneqarnissaa ilimagineqarpa?
2. Sinerissap qanittuani aalisarnermut killigititap basislinjamit 12 sømilinik killeqarfimmut annertusisinnegarnissaata pitsaaqutai, pitsaanngequtaalu nassuaatigineqassasut Naalakkersuisut piunnaaffigineqarput, tassungalu ilanngullugu aalisariutit 30 meterinit annerusut basislinjap 12 sømilimillu killeqarfiup iluani aalisarsinnaajunnaarneqarnissaat.
3. Sinerissap qanittuani aalisarnerup basislinjamit 12 sømilimik killeqarfiup tungaanut ungavartinneqarnera aalisarnermik ingerlatsisunut pisortanit pigineqartunut namminersortunillu pigineqartunut sukut aningaasatigut pitsaaquteqarlunilu pitsaanngequteqassava, tassunga ilanngullugu aa?
4. Aalisariutit 30 meterinit anginerusut ungasinnerusumut isigisumik nungusaataanngitsumik aallaaveqartumik atuinnermut navialisitsinerat Naalakkersuisut isumaqatigaat?
5. Aalisariutit 30 meterinit annerusut basislinjap kiisalu basislinjap avataani 3 sømilinit avasinerusumi aalisartut qanoq amerlatigippat?
6. Apeqquut 2-mi allanneqartutut allannguneq aalisartitseqatigiinnit attorneqartunit eqqartuussivikkut suliasanngortineqarnissamut/piunnaasaqateqarfigineqarnissamut aarlerinannngitsumik ingerlanneqarsinnaava?

Akissuteqaat:

1)-imut

Kinguppanniarnermi killigititaq pillugu maanna nalilersuisoqaleruttorpoq. Piffissamili maannakkorpiaq nalileruminaappoq qaqugu taanna piariissanersoq, paasisutissat nalilersuinerup kingorna saqqummiunneqartussat kissaatigineqartut suliap avataani suliqartut peqataatillugit annertuumik misissoqqaagassammata.

2)-mut

Kinguppanniarneq nunap immikkoortuinut killigitinneqartut ilanngullugit eqqarsaatigalugit ullumikkut ima aqutsivigineqarput, aalisariutinut avataasiortunik kiisalu sinerissap qanittuani aalisartunik immikkoortitigaalluni. Taama agguataarinerup sinerissami aalisariutit, avataasiortunit minnerukkajuttut, kinguppanniarnermi salliutinneqartarnissaannik siuner-taqarpoq. Taakkununga marlunnut agguaanerme sinerissami qanittumi angallatit namminneq tunisassiortuunngitsut sinerissamut qanittuaraallutik aalisarsinnaatitaapput, avataasiortullu basisliniamit kimmut minnerpaamik 3 sœmil-isut qanitsigissallutik. Sinerissamut qanittumi aalisartunut namminerlu tunisassiortunut basisliniami killigititaq kangimut killigitinneqarpoq. Taamaattorli aalisariutit sinerissap qanittuani akuersissutillit avataasiortut akornanni aalisarsinnaapput, tamanna sapinggikkunikku kiisalu assersuutigalugu motooriisa sapinggikkunikku.

Killeqarfii allineqarpata, aalisariutit sinerissap qanittuani aalisarnissaminnut akuersissutillit kisimik aalisarsinnaatitaallutik, assersuutigalugu basisliniamit qaninnerpaaffissaa maanna 3 sœmilinut, tamanna immi ajornartitsinavianngilaq angallatit 30 meterinit annerit sinerissami qanittumi aalisariutit aalisarfianni aalisarnissaannut. Matumani aalisariutip qanoq takitiginera aalajangiisuunngilaq, kisianni aalisariut tunisassiortuunersoq apeqquataalluni. Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaata nr. 23, 29. august 2002-meersoq matumani innersuussutigissavara.

Killeqarfii allilernerqarneranni angallatit sinerissap qanittuani akuersissutillit taamaallaat aalisarsinnaatilerisigut pitsaaqutit ajoqutaasullu nalilersoruminaapput. Sunniutigisinaasai allanut tunngasuunerunissai ilimanarpoq, taakkulu aamma qulakkeeruminaasallutik.

Apeqqummut nr. 1-imut akissummut innersuussillunga kinguppanniarnermut killigititanut maanna nalilersuisoqaleruttorpoq. Naalakkersuisut kissaatigivaat suliaq ataatsimut isigalugu ingerlanneqassasoq, taamaasiornikkut raajarniarneq pillugu tamakkiisumik isiginnilluni suliaqartoqassasoq tassunga ilanngullugu killigititanut annertusaasinnaannissamut pitsaaqutit ajoqutillu pillugit isuma suliamut ilanngullugu nalilersorneqaqqullugit.

3)-mut

Kinguppanniarnermut nalunaarutip allannortinneratigut sinerissamut qanittumi aalisarsinnaanerup allilernerqarnerata kingunerisaanik pitsaaqutissai ajoqutissaalu oqaatigiuminaapput. Ataatsimut isigissagaanni kalaallinut inuiaqatigiinnut annertuumik sunniuteqarnaviarunangillat, allanut sunniuteqartumik ajoqutai pitsaaqutaannik amerlanerunngippata. Apeqqummut 2-mut qulaani taaneqartoq matumani innersuuppara.

4)-mut

Angallatit 30 meterinit annerusut kinguppaat piujuartinneqarnissaannut navianartorsior-titsinerannik takussutissaqanngilaq, aalisariutilluunniit 30 meterinit annerit kinguppanniartut qalerualinnut ungasissoq isigalugu aarlerinartorsior-titsisoqarnerannik takussutis-saqarani.

5)-imut

Ukioq manna angallatit arfinillit 30 meterinit annerusut sumiiffimmi aalisarnissaminnut akuersissuteqarsimapput imaluunniit suli akuersissuteqarput.

6)-mut

Naamik.

Inussiarnersumik inuulluagqusiilunga

Finn Karlsen